

Bosna i Hercegovina
Federacija Bosne i Hercegovine
Vlada Federacije Bosne i Hercegovine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), a u vezi sa Odlukom o poništavanju Javnog konkursa za utvrđivanje prijedloga kandidata za članove Regulatorne komisije za energiju u Federaciji Bosne i Hercegovine („Službene novine Federacije BiH“, broj 1/24), objavljuje se

Obavještenje

o poništavanju Javnog konkursa za utvrđivanje prijedloga kandidata za članove Regulatorne komisije za energiju u Federaciji Bosne i Hercegovine

Poništava se Javni konkurs za utvrđivanje prijedloga kandidata za članove Regulatorne komisije za energiju u Federaciji Bosne i Hercegovine, objavljen u "Službenim novinama Federacije BiH" – oglasni dio, broj 14/22 i dnevnim listovima "Dnevni avaz" i "Večernji list" izdanja od 15.02.2022. godine.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), a u vezi sa Odlukom o raspisivanju Javnog konkursa za izbor i imenovanje članova Regulatorne komisije za energiju u Federaciji Bosne i Hercegovine („Službene novine Federacije BiH“, broj 1/24), objavljuje se

JAVNI KONKURS
ZA IZBOR I IMENOVANJE ČLANOVA REGULATORNE KOMISIJE ZA
ENERGIJU U FEDERACIJI BOSNE I HERCEGOVINE

I. Zakonom o energiji i regulaciji energetske djelatnosti u Federaciji Bosne i Hercegovine („Službene novine Federacije BiH“, broj 60/23), regulisana je Regulatorna komisija za energiju u Federaciji Bosne i Hercegovine (u daljem tekstu: Regulatorna komisija), kao specijalizirana, samostalna i neprofitna organizacija u Federaciji Bosne i Hercegovine koja ima svojstvo pravnog lica i kao regulatorno tijelo reguliše i nadzire tržišta električne energije, prirodnog gasa, naftnih derivata i toplotne energije u Federaciji Bosne i Hercegovine, na principima nepristrasnosti, transparentnosti, pravičnosti, nediskriminacije, konkurentnosti, nezavisnosti i zaštite učesnika na tržištu, u skladu sa posebnim zakonima kojima se uređuju sektori električne energije, obnovljivih izvora energije, energijske efikasnosti, prirodnog gasa, naftnih derivata i toplotne energije.

Regulatornu komisiju čine tri člana, uz osiguranje ravnopravne zastupljenosti konstitutivnih naroda u Federaciji Bosne i Hercegovine.

II. Mandat članova Regulatorne komisije je pet godina. Isto lice može biti imenovano u sastav Regulatorne komisije najviše dva puta.

III. Kandidat za poziciju člana Regulatorne komisije treba da ispunjava slijedeće:

a) Opšti kriteriji

- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da se na njega ne odnosi član IX.1. Ustava Bosne i Hercegovine.

b) Posebni kriteriji

- da je državljanin Bosne i Hercegovine sa stalnim prebivalištem u Federaciji Bosne i Hercegovine,
- da ima visoku stručnu spremu tehničke, ekonomske ili pravne struke,
- da ima najmanje deset godina profesionalnog iskustva u energetske sektoru na poslovima koji zahtijevaju visoku stručnu spremu,
- da ima prethodno iskustvo i znanja o pitanjima vezanim za energetske djelatnosti, posebno u oblastima tehničkih nauka, ekonomije, prava ili zaštite okoliša,
- da ima dokazane uspješne rezultate rada tokom radnog iskustva,
- da aktivno poznaje engleski jezik ili neki drugi svjetski jezik,
- da nije sa drugim članom Regulatorne komisije u braku ili srodstvu po ravnoj liniji, pobočnoj liniji do trećeg stepena zaključno, kao i po tazbini do drugog stepena zaključno,
- da nije pravosnažno osuđivan za krivično djelo zloupotrebe položaja ili ovlaštenja, pronevjere u službi, prevare u službi, nesavjesnog rada u službi ili drugo krivično djelo koje ga čini nepodobnim za obavljanje dužnosti u Regulatornoj komisiji,
- da nije član organa zakonodavne, izvršne ili sudske vlasti ili nadzornog ili upravnog odbora bilo kojeg privrednog društva,
- da u vrijeme imenovanja nije član političke stranke niti je aktivno uključen u političke aktivnosti,
- da nije vlasnik, dioničar ili vlasnik udjela osnovnog kapitala energetskog subjekta ili ima sličan finansijski interes u energetske sektoru nespojiv sa obavljanjem funkcije člana Regulatorne komisije,
- da član njegove uže porodice (bračni ili izvanbračni partner, dijete, otac, majka, brat ili sestra, očuh) nije vlasnik, dioničar ili vlasnik udjela osnovnog kapitala energetskog subjekta,
- da ne obavlja poslove za energetske subjekte i/ili povezana lica u smislu zakona kojim se definiše poslovanje privrednih društava, i
- da ne postoje druge smetnje za obavljanje poslova u instituciji u koju se kandiduje.

IV. Potrebni dokumenti:

Uz prijavu kandidati su dužni dostaviti kraću biografiju, adresu i kontakt telefon i dokaze o ispunjavanju kriterija iz ovog konkursa u originalu ili ovjerenoj fotokopiji i to:

- uvjerenje o državljanstvu ne starije od šest mjeseci od dana izdavanja uvjerenja od strane nadležnog organa,
- ovjerenu kopiju lične karte i original Obavještenja o evidenciji prebivališta (CIPS) kao dokaz da je kandidat sa stalnim mjestom prebivališta u Federaciji Bosni i Hercegovini,
- diploma o završenoj visokoj stručnoj spreml tehničke, ekonomske i pravne struke, (Kandidati koji su fakultet završili van Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, u obavezi su dostaviti ovjerenu kopiju nostrifikovane/priznate diplome, u skladu sa odredbama Zakona o važnosti javnih isprava u Bosni i Hercegovini („Službeni glasnik BiH, br. 23/04). Ukoliko je postupak

nostrifikacije/priznavanja započet ranije ili je u toku u momentu prijavljivanja na oglas, kandidat je dužan uz prijavu dostaviti i dokaz o podnesenom zahtjevu za nostrifikaciju/priznavanje diplome nadležnom organu.)

(Ovjereni fotokopiji diplome o završenoj visokoj stručnoj spremi na mjestu ovjere nadležnog organa mora sadržavati napomenu da original diplome sadrži suhi žig koji se na fotokopiji ne vidi. Ovjereni fotokopiji diplome mora sadržavati potpise ovlaštenih osoba.)

- potvrdu/uvjerenje o profesionalnom iskustvu u energetske sektoru na poslovima koji zahtijevaju visoku stručnu spremu,
- dokaz o prethodnom iskustvu i znanju o pitanjima vezanim za energetske djelatnosti, posebno u oblastima tehničkih nauka, ekonomije, prava ili zaštite okoliša (potvrda/uvjerenje od poslodavca),
- dokaz o uspješnim rezultatima rada tokom radnog iskustva (potvrda/uvjerenje od poslodavca),
- dokaz o poznavanju engleskog jezika ili nekog od drugih svjetskih jezika,
- odgovarajuća potvrda nadležnih sudskih organa da nije pravosnažno osuđivan za krivično djelo zloupotrebe položaja ili ovlaštenja, pronevjere u službi, prevare u službi, nesavjesnog rada u službi ili drugo krivično djelo koje ga čini nepodobnim za obavljanje dužnosti u Regulatornoj komisiji,
- izjavu kandidata, potpisanu i ovjerenu od strane nadležnog organa (ne stariju od tri mjeseca) izdatu pod materijalnom i krivičnom odgovornošću na okolnosti o ispunjavanju Opštih uslova iz tačke III. pod a) alineje 2. i 3. i Posebni kriteriji pod b) alineja 7. i alineje 9. do 14.

V. Sve informacije tokom postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, 49/06, 76/11 i 89/11 - ispr.).

Bilo koji kandidat ili bilo koje drugo lice – član javnosti slobodno je podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije Bosne i Hercegovine.

VI. Ovaj konkurs ostaje otvoren petnaest (15) dana od dana posljednjeg javnog objavljivanja, a objavit će se u "Službenim novinama Federacije BiH" i dnevnim listovima "Oslobođenje" i "Večernji list" (izdanje za BiH) i na internet stranici Federalnog ministarstva energije, rudarstva i industrije.

VII. Prijave sa svim traženim dokumentima mogu se dostaviti lično ili putem pošte preporučeno sa naznakom na koverti „Prijava na javni konkurs za izbor i imenovanje članova Regulatorne komisije za energiju u Federaciji Bosne i Hercegovine, ne otvarati“ na adresu:

**Federalno ministarstvo energije, rudarstva i industrije
ul. Alekse Šantića bb
88 104 Mostar**

Neblagovremene i nepotune prijave neće se uzeti u razmatranje.